

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
KANTONALNI SUD U ZENICI
Broj: 004-0-SuDp-25-000712
Zenica, 09.06.2025.godine

Na osnovu člana 64. stav 1. tačka b)., člana 70. stav 1, 3. i 6. Zakona o javnim nabavkama („Službeni glasnik BiH“, broj: 39/14, 59/22 i 50/24), te na osnovu preporuke Komisije za javne nabavke imenovane rješenjem broj: 004-0-SuDp-25-000466 od 11.04.2025. godine po provedenom postupku javne nabavke sistema mobilnih arhivskih regala putem otvorenog postupka, predsjednica Kantonalnog suda u Zenici donosi

ODLUKU
o izboru najpovoljnijeg ponuđača

Član 1.

Prihvata se Preporuka Komisije za javne nabavke, te se Ugovor za javnu nabavku robe – sistema mobilnih arhivskih regala, dodjeljuje ponuđaču „ADUT PLUS“ d.o.o. Banja Luka za ponudu broj: 10/25 od 02.06.2025.godine, za ponuđenu cijenu od 170.925,00 KM bez PDV-a kao najpovoljnijem ponuđaču.

Član 2.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 3.

Ova odluka objavit će se na web-stranici ugovornog organa istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ugovor o nabavci Ugovorni organ će potpisati i dostaviti na potpis izabranom ponuđaču nakon isteka roka od 15 dana od dana prijema Odluke o izboru najpovoljnijeg ponuđača od strane svih ponuđača.

Član 5.

Ova odluka stupa na snagu danom donošenja.

Obrazloženje

Postupak javne nabavke robe sistema mobilnih arhivskih regala pokrenut je Odlukom o pokretanju postupka javne nabavke broj: 004-0-SuFin-25-000097 od 11.04.2025. godine. Postupak javne nabavke je proveden putem otvorenog postupka za koji je objavljeno obavještenje o nabavci broj: 2885-1-1-88-3-12/25 dana 16.05.2025. godine na Portalu javnih nabavki.

Postupak nabavke provela je Komisija za javne nabavke imenovana rješenjem broj: 004-0-SuDp-25-000466 od 11.04.2025. godine. Komisija za javne nabavke je dostavila predsjednici suda Zapisnik o pregledu i ocjeni ponuda za nabavku robe – sistema mobilnih arhivskih regala sa preporukom o izboru najpovoljnijeg ponuđača od 05.06.2025.godine.

Komisija za javne nabavke je navela da je blagovremeno i pravilno izvršila otvaranje, pregled i ocjenu kvalifikovanosti prispjelih ponuda u skladu sa kriterijima iz tenderske dokumentacije, o čemu je sačinila odgovarajuće zapisnike u kojima je utvrđeno da su u predmetnom postupku zaprimljene dvije ponude i to sljedećim redoslijedom:

R.B	Naziv ponuđača
1.	ADUT PLUS d.o.o. Banja Luka
2.	KABAS d.o.o. Sarajevo

Komisija za javne nabavke je sačinila tabelu za ocjenu kvalifikacionih uslova ponude, kako bi ocjenila usklađenost dostavljenih ponuda sa kvalifikacionim uslovima tenderske dokumentacije, te je konstatovala da od dvije pristigle ponude jedna ponuda ne ispunjava kvalifikacione uslove.

Ponuda ponuđača „Kabas“ d.o.o. Sarajevo ne sadrži dokument propisan tenderskom dokumentacijom pod tačkom 3.3.2., dokument se odnosi na ekonomsku i finansijsku sposobnost ponuđača, koji je tražen u svrhu dokazivanja kvalifikacionog uslova ekonomska i finansijska sposobnost, te je ponuđač trebao dostaviti potvrdu poslovne banke ponuđača da bankovni račun ponuđača nije bio u blokadi u prethodnih 6 (šest) mjeseci.

Slijedom navedenog, obzirom da ponuđač „Kabas“ d.o.o. Sarajevo nije dokazao ispunjenje kvalifikacionog uslova iz člana 47. stav. 1. tačka a) Zakona o javnim nabavkama („Službeni glasnik BiH“, broj: 39/14, 59/22 i 50/24) a u vezi sa tačkom 3.3. tenderske dokumentacije, ponuda ponuđača Kabas d.o.o. Sarajevo se u skladu sa članom 68. Zakona o javnim nabavkama odbacuje.

Tokom kvalifikacionog postupka utvrđeno je da ponuda ponuđača „ADUT PLUS“ d.o.o. Banja Luka ispunjava sve kvalifikacione uslove što je konstatovano u tabelarnom prikazu za ocjenu kvalifikacionih uslova ponude na zapisniku o pregledu i ocjeni ponuda broj: 004-0-SuDp-25-000503 od 05.06.2025.godine, te da je isti dostavio prihvatljivu ponudu.

U ovom postupku nabavke planirano je provođenje e-aukcije, međutim kako je Komisija konstatovala da druga ponuda ponuđača Kabas d.o.o. Sarajevo nije kvalifikovana ponuda, to nisu ispunjeni uslovi za provođenje e aukcije. Član 4. stav (2) Pravilnika o uslovima i načinu korištenja e aukcije („Službeni glasnik BiH broj: 80/23) propisuje da u slučaju prijema jedne prihvatljive ponude e-Aukcija se ne zakazuje.

Slijedom navedenog Komisija za javne nabavke je predložila okončanje postupka javne nabavke shodno članu 69. stav 1. tačka a) Zakona o javnim nabavkama sa ponuđačem koji je dostavio kvalifikovanu i prihvatljivu ponudu.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, te je odlučeno kao u dispozitivu odluke.


POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, u roku od 10 dana od dana prijema ove odluke.

Dostaviti:

Kabas d.o.o. Sarajevo, kabas@kabas-bh.com

Adut plus d.o.o. Banja Luka, adutbl5@gmail.com

www.ksud-zenica.pravosudje.ba



Predsjednica Suda

Snježana Čolaković